



**Nasjonalparkstyret
for Reinheimen**

Postadresse
Postboks 987
2604 LILLEHAMMER

Besøksadresse
Norsk Fjellsenter,
Brubakken 2, 2686 Lom
Norsk Tindesenter
Havnegata 2, 6300 Åndalsnes

Kontakt
Sentralbord: +47 61 26 60 00
Direkte: +47 61 26 62 05
sfinpost@statsforvalteren.no
<http://www.nasjonalparkstyre.no/reinheimen>

Rauma kommune
Vollan 8A
6300 ÅNDALSNES

Saksbehandler Mari Melbø Rødstøl

Vår ref. 2022/2013-2 432.3


Dykkar ref.

Dato 21.03.2022

Delegert sak - dispensasjon - Reinheimen NP - Trollstigen LVO - 2022 - turmålsordningen StikkUT - Skarfjellenden - Rauma kommune

Delegert vedtak:

Med heimel i verneforskrift for Reinheimen nasjonalpark § 3, pkt. 5.2 og verneforskrift for Trollstigen landskapsvernområde § 3, pkt. 4.2, får Rauma kommune dispensasjon til oppsetting av skilt til Stikk-Ut-postar til Skarfjellenden.



Kart 1. Stitråse.

Dispensasjonen er gjeve med følgjande vilkår:

- Dispensasjonen gjeld for 2022.
- Dispensasjonen gjeld for merka tursti til Skarfjellenden i Trollstigen landskapsvernområde og Reinheimen nasjonalpark jmf kart 1.
- Stikk-UT-skilt kan settes på ein pøle ved stistart.
- Forvaltninga kan krevje at Stikk-Ut turen blir fjerna, om det skulle bli påvist hekking av sårbar rovfugl ved Skarfjellenden og at verneverdiane blir truga av auka ferdsel.
- Skilt med pøle skal fjernast når Stikk-UT er ferdig 1. oktober.
- Innen 1. desember 2022 skal det sendast ein rapport til sfinpost@statsforvalteren.no med informasjon om antall turer som er registrert, og erfaringar på avfall og parkering ila tursesongen på denne Stikk-UT posten.

Nasjonalpark	Reinheimen
Naturreservat	Brettingsmoen
Landskapsvernområde	Tafjorden-Reindalen, Trollstigen, Romsdalen, Lordalen, Finndalen, Ottadalen



Tiltaket må avklarast med grunneigarar.

Klage:

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.

Saksopplysningar

Dokument i saka:

- Søknad frå Rauma kommune på E-post 11.02.2022.

Søknaden

Rauma kommune er med i turmålsordninga StikkUT. Dette er ei svært populær ordning som omfattar heile Møre og Romsdal, og kvar kommune velger ut sine turmål kvart år. Turmåla bør vere spreidd over kommuna, og gjerne vere av varierende vanskelighetsgrad og type tur. Kvart år får vi innspel frå lokale personar i kvar bygd, og vi er godt fornøgde med årets utvalg. I Trollstigområdet ønsker vi å bruke Skar fjellenden som turmål i år. Dette er ein tur som vi meiner kan passe bra som StikkUT-tur, og som har naturleg startpunkt ved ein større parkeringsplass. Startpunkt og delar av stien ligg innafor Trollstigen landskapsvernområde, medan siste halvdel og toppunktet ligg innafor Reinheimen nasjonalpark. Det vil vere nødvendig å markere startpunktet med eit StikkUT-skilt, samt plassere StikkUT-koden vha klistremerke på toppen. Vi søker med dette om å få benytte Skar fjellenden (1386 moh) som StikkUT-turmål i perioden 1.mai – 31.okt 2022. (Faktisk starttidspunkt er avhengig av når vegen åpnar og stien vert snøfri).

Heimelsgrunnlag

Delegering

I medhald av vedtekter for Reinheimen nasjonalparkstyre punkt 6.2, jf. naturmangfaldlova § 62 andre ledd tredje punktum, har nasjonalparkstyret for Reinheimen i styremøte 14.03.2016, sak 5/16, gjort vedtak om å delegere handsaming av einskilde saker til nasjonalparkforvaltaren, slik som i denne saka. Vedtaket gjev nasjonalparkforvaltarane i Reinheimen myndigheit til å treffe vedtak i saker av kurant karakter.

Med saker av kurant karakter meiner ein følgjande:

- Saker etter dei spesifiserte dispensasjonsføresegnene i verneforskriftene om ferdsel og motorferdsel.
- Saker etter andre spesifiserte dispensasjonsføresegner i verneforskriftene og etter naturmangfaldlova § 48 der:
 - a) Det dreier seg om fornying av dispensasjon gjeve av styret eller arbeidsutvalet, og føresetnadene er tilnærma uendra.
 - b) Det føreligg etablert forvaltningspraksis frå saker handsama av styret/AU i tilsvarende sak.
 - c) Forvaltningsplanen gjev eintydige føringar for utfallet.

Søknaden er vurdert i samsvar med:

- Verneforskrift for Reinheimen nasjonalpark, 24.11.2006.
- Verneforskrift for Trollstigen landskapsvernområde, 24.11.2006
- Naturmangfoldloven, 19. juni 2009 nr. 100.
- Forvaltningsplan for Reinheimen, mars 2010.



Verneforskrift

Friluftsliv er ein del av verneformålet med verneområda i Reinheimen;

Ålmenta skal ha tilgang til naturoppleving gjennom utøving av tradisjonelt og enkelt friluftsliv med liten grad av teknisk tilrettelegging.

Ferdsl er regulert i verneforskriftene for verneområda i Reinheimen, både for Reinheimen nasjonalpark (§ 3, pkt. 5) og omkringliggende landskapsvernområde (§ 3, pkt. 4).

Generelt om ferdsel:

All ferdsel skal skje omsynsfullt og varsamt slik at det ikkje skjer skade på landskap, naturmiljø eller kulturminne. Dyrelivet må ikkje forstyrast.

Om organisert ferdsel:

Reglane i verneforskriftene ikkje til hinder for organisert turverksemd til fots så lenge naturmiljøet blir skadelidande. Anna organisert ferdsel og ferdselsformer som kan skade naturmiljøet må ha særskilt løyve av forvaltningsstyresmakta, jf. forvaltningsplanen.

Regulering av ferdsel:

Innanfor nærare avgrensa delar av verneområdet kan Direktoratet for naturforvaltning (i dag Miljødirektoratet) ved forskrift regulere eller forby ferdsel som kan vere til skade for naturmiljøet.

For Reinheimen nasjonalpark er i tillegg sykling, bruk av hundespenn og hest, omlegging av stigar og telting regulert i verneforskriften.

Forvaltningsplan

Forvaltningsplan for Reinheimen utdjupar retningslinjer for vedlikehald og tilrettelegging under tema friluftsliv i nasjonalparken og landskapsvernområda;

Reinheimen nasjonalpark, jf. verneforskrift § 3, pkt. 5.2 (s. 42).

All ferdsel skal skje med omsyn til landskap og naturmiljø.

Med direkte heimel i verneforskrifta er det tillate med organisert turverksemd til fots når dette ikkje er til skade for naturmiljøet. Organisert ferdsel er ferdsel der person, lag, firma eller liknande planlegg, koordinerer eller arrangerer turen, og det er tale om verksemd med grupper av deltakarar, ein aktivitet som blir gjenteke eller der aktiviteten er kunngjort på førehand. Utsetting av postar for turorientering, topptrim, trimpostar og liknande innafor nasjonalparken kjem også inn under organisert ferdsel.

Trollstigen landskapsvernområde jf. verneforskrift § 3, pkt. 1.2 e og 1.3 k (s. 74-75).

Forvaltningsstyresmakta kan gje løyve til enkle tiltak som kan styrke friluftslivet eller ei næringsseting knytt til verneområdet eller som kan kanalisere ferdsla. Med enkle tiltak er det her tenkt på:

Stutte merka ruter evt. med førar (carwalks)

- Naturstigar

- Småskala reiselivsutvikling i seterområda

- Tilrettelegging av enkelte kulturminne for formidling av historia knytt til bruken av området.

Søklar skal dokumentere reelt behov for tiltaket. Ved søknad om løyve skal forvaltningsstyresmakta ta omsyn til

- utforming av tiltaket

- om dyrelivet kan ta skade av tiltaket

- om terrenget toler auka slitasje som følgje av kanalisert bruk

- om det finst tilrettelegging

Tilretteleggingstiltak skal utførast med vekt på omsyn til naturmiljøet og tilpassing til landskapet gjennom materialval og utforming.



Vurdering

Besøksstrategi for verneområda i Reinheimen vart i desember 2019 vedteke av nasjonalparkstyret for Reinheimen og godkjent av Miljødirektoratet. Målet med besøksstrategien er å ta vare på naturen, gje besøkande gode opplevingar, bidra til lokal verdiskaping og auke bevisstheita til vernet. Dersom det er motstridande interesser skal verneverdiane tilleggast størst vekt. Det er eit mål i besøksstrategien å legge opp til god dialog og samarbeid med aktørar knytt til Reinheimen. Vi vart kontakte av Rauma kommune før søknaden kom og diskuterte ulike turforslag.

Turen til Skarfjellenden er ein allereie godt etablert sti som startar ved parkeringsplassen på det høgaste punktet på Trollstigvegen. Turen er marknadsført i turportalen Romsdal.com og i turboka «Fotturer i Romsdal».

Vurdering etter dei miljørettslege prinsippa i naturmangfaldlova §§ 8-12, jf. § 7.

Turen går gjennom eit bratt terreng som kan gje gunstige hekkeplassar for rovfugl, men det er ikkje påvist nokon slik aktivitet i dette området til no. Det er god kunnskap om dyreliv for utvalde turar gjennom m.a. naturbase og sårbarheitsvurdering av fuglelivet (Kistefoss Skogtenester 2018). Det er ikkje naudsynt å ta i bruk føre-varprinsippet (jf. § 9). jmf. Kunnskapsgrunnlaget (§ 8). Som vilkår har vi sett at forvaltninga kan krevje Stikk-Ut turen fjerna, om det skulle bli påvist hekking av sårbar rovfugl ved Skarfjellenden og at verneverdiane blir truga av auka ferdsel, jmf føre-var prinsippet (jf. § 9).

Det er stor trafikk på Trollstigen i løpet av sommarmånadene og det er eit parkeringsproblem langs vegen der det er turstier. Turen til Skarfjellenden ligg ved ein allereie godt etablert og romsleg parkeringsplass. Det vil difor ikkje skape nokon uheldig parkeringsproblematikk ved å ha ein Stikk – UT tur til Skarfjellenden. Det er ikkje sannsynleg å møte villrein i denne traseen og det er enno ikkje påvist nokon andre dyre og fugleartar i dette området som det bør tas hensyn til jmf. § 10 Økosystemtilnærming og samla belastning. § 11 Kostnadene ved miljøforringing skal berast av tiltakshavar og § 12 Miljøforsvarlege teknikkar og driftsmetodar, er vurdert til ikkje vere relevant.

Ut i frå ei samla vurdering vil dette tiltaket ikkje stride mot verneformålet eller påverke verneverdiane nemneverdig.

Med helsing
Mari Melbø Rødstøl
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:

Statsforvaltaren i Møre og Romsdal

Postboks 2520 6404 MOLDE

Friluftsrådet -Stikk -UT

Statsforvalteren i Innlandet

Postboks 987 2604 LILLEHAMMER

Kristine Sørli

Statens naturoppsyn v/Thomas Rødstøl

Statens Naturoppsyn v/Per Olav Haugen

Reinheimen-Breheimen villreinutval v/Knut

Granum